





王霖

城西泛舟

放棹西尋第五泉揚州此日正春天  
依崗鳥道連樓閣傍水人家半管絃  
蝶影微窺絲柳外鶯聲時轉落花前  
遊人不敢貪明月鼓角高城促畫船

范國祿

廣陵舟泛

小棹輕移似葉飛穿城出入趁霏微  
人間好景秋前足天下名園亂後稀  
粉黛幾重懸畫閣烟波十里舞紅衣  
琵琶馬上沉西望簫鼓何勞怨落暉

毛師柱

冬日自德安返武昌訓寶林夜坐見懷

七律

是



匆匆分袂武昌城晚渡寒江蕩漾平百里風塵愁馬跡五更霜  
雪畏雞聲山連舊驛橋多斷岩結荒陂瓦半傾遠念蕭條見良  
友夜淡燃燭計歸程

趙貞

蘆花被

曾向秋江伴鷺鷥裝成襖被亦相宜捲來巖子灘頭月消得袁  
安枕上詩滿榻白雲花覆處一窩寒雪酒醒時山中藉爾堪高  
臥不與西風遍地吹

周 駿

登大觀閣

傑閣崔巍亦壯哉湖銜殘日望中開巡簷鳥向雲邊下來舛帆  
依樹杪來翠葆朱旗神女座風斤月斧梵王臺凌虛未戒咸陽

火不信天宮有劫灰

鄧勸相

立秋日微雨送姚舒恭次原韻

涼秋鄭重鎖柴荆黃葉蕭蕭泊舫輕一代風流成舊夢六朝詞  
賦只虛名山村有路連雲合野陌無人帶雨耕憐汝遠投郊外  
宿客樓登望不勝情

張圯授

春日餞別黃仙裳歸里卽入都門

樽罍又向別離陳南浦驪歌送美人去路馬嘶芳草岸還家花  
發故園春幾年作客形容老千里辭親涕淚頻知爾交遊滿京  
洛不妨襖被走風塵

郁 植



贈陸麗京

飛章北寺正縱橫百口牽連頌繫輕爲告鄭虔曾撰史豈知高  
允竟全生皇天有意憐忠孝人世無端借姓名合浦未歸西市  
去暮雲回首總傷情

許嗣隆

邦江寓樓喜穀梁自都門至

客中客到仍爲客無意相逢意更親十五年前雙淚眼三千里  
外一歸人正逢月好當秋夜猶記書來是蚤春秉燭淡談非夢  
寐開懷莫厭酒杯頻

王曾斌

錢王祠

錢塘亦是興龍地王氣依然據上游鐵箭舊傳唐歲月靈書曾

拜宋春秋江潮出沒三千里風雨淒涼十四州剩有湖山供廟  
貌坐看錦繡欲生愁

許朝礎

九日舟中感興

萍水同舟意未猜片帆遙挂雨中來空傳落帽山何處強欲登  
高葉已摧園菊故鄉愁甲馬塞鴻滿地隔樓臺勞勞世路無窮  
恨漫把村醪醉幾杯

徐淡

贈別蔣前民

陣陣西風吹蜀岡寒生襍被那成裝燈前不意呼鸚鵡眼底何  
人贈驕驕竹徑醉殘中夜雨草堂吟老一林霜與君細數論文  
地明日天涯秋夢長



錢 覲

遊西山

同人纔別章江渡策騎初來萬壑中出谷亂雲霾古寺滿山殘  
葉起天風波迴絕澗千峰合日落寒林萬壑空猶有嵩陽舊時  
事好將清磬禮休公

程 奇

喜育先叔歸里

垂楊已拂釣魚磯征馬還嘶碧草肥客路猿聲淒入夢鄉山樹  
色綠侵衣半江落照流霞彩一片飛帆出翠微遙憶清溪迴棹  
日鶯花也喜主人歸

汪徵遠

晚過雲谷

勝事真堪付短筇遠聽孤寺一聲鐘每于絕徑開生徑時見奇  
峰出亂峰鸞鶴半隨雲脚過猿猱多向石心逢攀躋莫悵歸途  
晚黯黯斜陽落萬松

張 鑾

秋懷 選一

山青氣爽野烟空極目蒼茫憶故宮萬里關山明月夜一天鴻  
雁白雲中秦時丘隴今何在漢室衣冠已不同但看秋光到處  
好隔溪楓樹一林紅

劉 曉

風雨再宿九龍池

風雨無心亂客遊山情猶向故人畱一灣苔石生如畫兩壁藤  
蘿老似秋席上濤生簾外靜池邊雲向醉中收好將半榻閒僧



話付去瀟湘水上鷗

遊雞足山同無方上人梨園坐暑

雲南大理府

白雲幾幅掛于松怪石斜呼萬壑風有客獨來青嶂裏好天只到綠陰中枝頭碎影亭亭落徑外寒香處處通鐘磬一聲飛澗底梵音歲月又相逢

九日紅橋

不堪此處再登臺徒取茱萸酒一杯紅葉那能愁裏看菊花喜爲故人開還家客夢青衫短去國君恩白髮催令節祇供多病去翻憐鴻雁夕陽回

重過洛陽

七載曾經此地過故宮禾黍復如何無端石馬悲風雨不盡銅駝委薜蘿落日龍門懸碧嶂中天大地湧黃河關山極目遊人

意貫酒城東發浩歌

張 竣

同陸麗京諸子集雲居山樓

高齋落葉幾經秋散髮閒吟次第遊草樹常依寒雨徑江濤偏撼夕陽樓青尊晚動幽人興白雪羣推大雅流遙憶文通還有賦平原一望使人愁

陸 垚

寄懷朱人遠

相思隔歲暮雲愁况是蕭蕭宋玉秋詞客有情應慷慨故人何事久淹留一天星斗湖中出七夕蛟龍海上浮最是傷心明月裏空疑顏色照孤舟

蔣玉章



鹿城道中懷歸玄恭葉嶒初

西鹿城邊傷客心  
新洋江畔搗衣砧  
陸機漫擬吳趨曲  
莊鳥仍爲越下唵  
烟入戍樓銜暮色  
雲生驛樹結秋陰  
懷人此際堪乘興  
不得追遊到竹林

羅逸

再過一樹菴訪汪曼容得泥字

去年偶到門時閉  
今日重過值杖藜  
松葉漸堆山徑滑  
藥苗曾絆竹枝低  
常多屋角猿窺食  
恰有籬邊虎印泥  
我不難來君不厭  
擬將書畫伴幽棲

呂祚德

雨中過高座寺訪無可上人

丹地花磚踏影閒  
風吹一夜到禪關  
竹窻雨濕螢來去  
蒿徑泥

封雁往還漢使豈難畱  
故節中原莫問隔  
名山叮嚀寄語天南  
客拄杖須存古道顏

姚文能

述歸

征車閱歷自間關  
一月歸心一月閒  
茅店夢中春夜雨  
荒村驢背夕陽山  
橋頭沽酒楊花落  
渡口橫舟草色斑  
書劒飄零無限恨  
開樽且爲破愁顏

宗觀

愛山臺

憑闌直接道場峰  
塔影依依向短筇  
山沒雲煙生洞壑  
天晴蒼翠滴芙蓉  
嘗聞錫響驚巖虎  
想像花飛制鉢龍  
自有高臺看不厭  
幾人清嘯一相逢



張恂

河上閒眺

寒煙漠漠水粼粼  
縱目蕭條欲愴神  
澤雉無端驚獵騎  
江鴻漫自帶征塵  
遙看冀北關山月  
老憶城南韋杜春  
擬織芒屨編箬笠  
渭川他日學垂綸

塞上

蒼茫亭障草連空  
亂水荒原入望同  
沙磧日昏鳩鶉雨  
石田雲暗馬牛風  
那看玉帳懸天際  
尚有金墉在眼中  
一自霜花涼冷後  
鷓鴣飛無計避強弓

于澣

登凌雲臺望月

徘徊北固最高峰  
明月淒清樹影重  
野色蘆花千點雪  
晚潮江

寺一聲鐘彭山佛火霞光亂  
瓜渚漁燈水氣封  
遙望海門天莫辨  
波濤無際鬪蛟龍

陳寅

金陵懷古

虎踞龍蟠古帝州  
長江依舊向東流  
六朝歌舞秦淮月  
百戰興亡燕子秋  
宮闕齊梁迷故土  
亭臺王謝總荒丘  
年年畫舫遊人醉  
誰聽中宵杜宇愁

過勞勞亭

一望斜陽起暮烟  
荒亭餘址草連天  
驪歌久已消官道  
斷碣空存紀晉年  
入眼江花傷過客  
懷人春酒滿離筵  
依依尚有長堤柳  
幾度臨風倍黯然

任璣



贈松江張二太守

東城送客還騎馬南國投詩且繫船  
萬里相逢如昨日重陽一別已三年  
豫章禮數雲間似京兆風流江上傳  
飄泊愁看前路盡清秋賴有使君賢

吳雯清

塞上雜詠

莫道春風斬玉門  
磧間楊柳亦成村  
輭裘午卸鳴沙暖  
朔鼓宵撾塞月渾  
土屋女兒拋綵索  
毬場壯士醉蘆根  
人情但說江南好  
積雨殘花易斷魂

任四邦

春盡

九日春光此日收  
鶯花零落杜鵑愁  
桑陰綠滿千家郭  
麥浪青

翻四月秋髮短  
獨憐人漸老  
晝長偏覺歲如流  
來朝却屆朱明候  
佇看薰風入小樓

春晚同何自銘過周甥子鉉志雪堂

汝南別業在西村  
傍晚攜朋出郭門  
幾樹柳絲爭拂面  
一庭草色欲銷魂  
尋巢燕子來還去  
戲水魚兒吐復吞  
春日正長花漸好  
偏宜此地殢王孫

袁 餈

吳六益便道見訪送之登舟悵然而別

選一

扁舟東去隔重山  
落照蒼茫煙樹間  
久客自憐芳草晚  
離魂早逐暮雲還  
溪秋桂樹人三徑  
背日芙蓉水一灣  
遙憶鄉關殊阻絕  
曲江磯上聽潺湲

雪中同高古葵過何次張



雪花掌大下扁舟戴笠攜朋問舊遊  
潮帶風聲喧極浦帆連樹色度  
高樓雲邊候雁歸無影竹裏流  
鶯凍不流豈若子猷隨興盡  
夜闌醉倒臥芳洲

寓爾慎蘭若

日落城頭山色齊寒燈一榻共禪  
栖成樓清角三更夢古寺疎鐘  
午夜雞此去偶逢蓮社約重來  
遑問碧紗題老僧訊我歸何事  
月滿空庭花滿谿

秋感

羊城高築越王臺五嶺風烟拂座  
來趙氏自無天子氣陸生遽負  
大夫才何人白鶴雲中往誰是  
明珠浦上回漫道珊瑚爭入貢  
鷓鴣啼徧萬山哀

顧炎武

安平君祠

在卽墨縣今廢

太息全齊霸業遺如君真是一男  
兒功成棧道迎王日志決危城  
仗鋪時飢鳥尚銜庭下粒老牛猶  
飲穴邊池可憐王建降秦後千  
古無人解出奇

劉諫議祠

在昌平舊縣今廢

皂囊青史漫傳名白日黃泉氣未  
平自古國亡緣宦者可憐身沒  
尚書生荒阡草長妖狐出舊驛  
風寒倦馬行一自德陵升馭後  
山河祠廟總淪頽

居庸關

居庸突兀倚青天一澗泉流鳥道  
懸百二山河臨大漠十三陵寢  
奠雄邊橫分燕代開戎索遠鑿  
金元列史編在昔守邦須設險  
只今刁斗尚依然



極目危巒望八荒，浮雲夕日徧山黃。全收地當年大不斷，秦城自古長北狩。千官隨土木，西來羣盜失金湯。空山向晚城先閉，寥落居人畏虎狼。

宗元鼎

三月十五夜二首 選一

高歌命酒對澆愁，年少春光曉暮收。只道勝遊常在畫，誰知清夜好如秋月逢。圓日偏宜醉花過，今宵不肯畱。况是畫闌雙照影，淡更切莫住筵篌。

避地喜方白英過訪

籬落蕭條烟霧昏，昔年王謝幾家存。荒簷待午新炊黍，山牖淡更又聽猿。著屐緩遊松下徑，攜尊閒坐竹間門。遙看小舫輕如葉，應是方干夜過村。

春飲友人宅

芳晨無事過蘇端，移席亭陰傍藥闌。亂世幾逢花下坐，好春多在病中看。紅梨婉弱迎風怯，白袷輕柔耐雨寒。卽此人生非易得，今宵莫放酒杯寬。

同諸公小集

著屐東園緩步尋，小亭春色短牆陰。琴彈野澗千山響，酒漉僧厨別院淡。自有巖泉棲阮籍，何須書記辟陳琳。高歌不醉不歸去，世事升沉月一林。

秋郊夕望

惆悵秋風落葉吹，黃雲低覆楚山陂。夕陽古路蛩聲細，新月柴門客步遲。南望蒼烟籠遠樹，北看衰草沒荒碑。中原到處皆烽火，欲卜巖居計所之。



庚寅暮春雜興十首

選一

頻沾濁酒慰春寒，谷口雲深白晝看。  
閱世似炊車脚笋，謀生休食劍頭餐。  
村田暮雨歸黃犢，野塢晴花點碧湍。  
身事欲從何處問，香菘嫩韭玉晶盤。

同瑗度舍弟南村閒步

背後奚奴荷藥籃，綠陰春舍問桑蠶。  
亂雲欲斷橋邊路，清磬忽傳松下菴。  
傍嶺漁潭迴竹嶼，隔江花塢映山嵐。  
倦來同向茅亭坐，農事聞人細細談。

乙未除夕懷龔芝麓先生

閒傍亭梅看掃除，軒懸小軸奉常書。  
公爲奉常時爲誰人春到  
隨鴻雁爲我情淡，寄鯉魚草野尚知長。  
孺直朝廷應諒魏，徵疎椒花柏酒柴門暮。  
明日懷君又歲初。

丙申夏日同金耳中黃仙裳諸駿男桑楚執泛舟限山

字

五月城溪足往還，乘船同放小橋灣。  
倦飛楚鳥下空水，落照夏雲沉遠山。  
白雪調高才子曲，紅蓮香勝美人鬟。  
他年別夢蘼葭外，回首風流未易攀。

暮春東鄉

日暖村深寒食天，野桃流水自年年。  
歸鴻滿眼碧空外，長笛數聲落照邊。  
失意那堪逢令節，生涯久不問春田。  
草堂若肯重修葺，飽聽鶯聲傍午眠。

廣陵懷古

莫向斜陽問竹西，迷樓月觀草萋萋。  
繁華空博數年夢，流水不回千載隄。  
日角幾經傳玉璽，江南依舊說金壺。  
只今大禹祠前



樹亦似雷塘春鳥啼

晚秋東村閒步

行過小橋流水路遠溪晴景一時幽白花委地驚霜晚黃穗垂  
田識稻秋亂定干戈知漸遠地高波浪幸無憂連朝蟹賤村醪  
美且對青山醉竹樓

二十四橋明月夜

莫向揚州看逝津傷心自古斷腸春當時月亦憐天子此夕橋  
還憶美人螢苑只今荒草細雞臺空見野棠新誰知破碣歌流  
水猶博清宵淚拭巾

重陽前一日

瑟瑟涼風葉亂飛籬邊花繞碧雲扉淒涼古巷人愁坐零落繁  
霜客未歸茶竈漸殘清景暮菊軒高啓晚香微不知羈旅悲秋

日可有村醪送白衣

過秦郵同諸弟鶴問瑗度不揜充美內美家集兼懷七

叔父遠任秦中分韻得鍾字

高歌莫負夜飛鍾嘉會由來不易逢曹氏諸郎誰繡虎崔家數  
代盡雕龍月明水市簫三弄路隔潼關夢幾重安石勲名今已  
著當年空擬謝元從

華 袞

尋至竹林山寺

林密不知林有寺寺門生鑿半林開萬松迷徑編籬古亂竹崩  
雲透澗迴晴日烟嵐飛衆壑空山鐘磬落層臺行行石上盤旋  
坐一个僧扶藜杖來

登岱



磴道紆迴歷萬重盤空樓閣白雲封遙天日出中峰樹半夜寒  
生古殿鐘歲月自當摧漢柏風霜何意老秦松年來更少相如  
頌千載誰人問岱宗

秋日送王于一歸南湖

西江故里不堪尋落魄湖干縱苦吟對客不言應有故仰天一  
笑獨何心秋風老屋三家墅野水殘荷十畝陰搔首天涯常逆  
旅高眠能不碎鳴琴

錢塘懷古

霸業興亡代已遙吳山極望鬱岩巖樓臺路曲盤千雉烟雨春  
寒鎖六橋人去尚餘巖嶺月愁來欲上浙江潮西湖猶有南枝  
樹寂寞諸陵不可招

平山晚眺

縹緲孤鴻下夕陽平山極日晚蒼蒼可堪六代繁華地又作千  
軍轉戰場城郭瘡痍秋草塞江天蕭瑟暮雲黃荒臺若箇來登  
眺白露寒烟墜野塘

王賓

送張桐仙

薊門風雨日相依何事南還晤轉稀寒夜正驚張翰至扁舟卽  
送海陵歸壯心華髮銷多少醉眼黃金閱是非爲愛羅浮山色  
好幾時全此學忘機

孫中夔

贈石埭姚明府

憶昨循州覽勝還君家兄弟共歡顏已知綰綬陵陽麓何幸班  
荆秋浦間客到論詩先命酒官閒行部只看山子明丹溜多遺



迹仙吏如今許再攀

陳銓

姚六康明府招泛舒溪

山城五月雨初歇仙吏扁舟入翠微溪泛烟波新水漲岸垂楊柳綠陰肥燈光菱客偏宜酒花氣侵人欲上衣最是官閒無一事三更猶自未言歸

汪崑

姚明府白蓮詩

好是移來太華頭花清于水葉如油斜飛野鶴滄洲晚亂點殘星碧落秋粉筆書空掀翠袖玉顏窺客出青樓有時飄蕩烟波裏任駕真人一葉舟

陳肇曾

贈石埭姚明府

選一

尋花問柳愛芳辰贏得江湖一散人歎老可堪蒼髮改論交肯使白頭新青城獨酌椒盤酒紫陌初迴黍谷春莫道六朝遺迹遠昭明文選在西鄰

劉曉

和陳定齋山居雜興韻

選一

白雲翠岫一窗收曲沼清泉入夜流古寺霜鐘林外濕疎簾寒月夢中浮禪成犢鼻聊因俗酒壓龍頭漫歸愁丘壑如今應臥穩不須更作海天遊

夏九運

秋日過維摩室同黃祥麟姚韋人鄧國材張廷玉

同來無事上方遊喜聽鐘聲出寺幽萬片閒雲開疊嶂一泓寒



水接清秋花間對奕誰安石竹下逢僧是趙州正欲目窮千里  
勝好攜佳句上層樓

姜希轍

南郊陪祀恭紀

虔修大祀降天壇玉輦初臨紫氣盤十二鑿鈴開駿馬三千犀  
甲護祠官青松繞蓋爭春麗朱火連雲入夜寒崇本君心原肅  
穆小臣鵠立翠陰看

贈秦亭山人

秦亭歸隱近孤峰每向溪山策短筇暖日故園吟芍藥晴江秋  
色采芙蓉終朝把釣偕飛鷺十載藏名老伏龍寂莫衡門長晝  
閉烟霞淡結最高松

讀史

高齋兀坐樂幽居脫幘披襟讀史書百戰興亡渾夢寐六朝人  
物幾丘墟可憐戰伐徒供眼時有忠貞欲起予苔草階前無限  
綠蘭香入座自躊躇

登臥龍山紫翠亭眺望

危岑高倚夕陽紅雉堞陰陰遠近同百里青山鑑水上萬家烟  
樹越城中天邊鳥下行人少埵杪烟生古殿空莫說禹王巡幸  
處郊原滿眼正秋風

孟亮揆

西苑賜宴

選一

五夜風聲卷綠莎朝來太液漲晴波沙明輦道縈珠勒雨洗天  
街待玉珂紫閣峰陰當徑合青林花影隔橋多憑高忽望香塵  
起葆蓋重重樹杪過



起居注館紀事

三殿恩光徹紫微講官初賜錦貂歸忽聞給札趨丹陛竊喜臨池傍鎮闈東觀圖書方染翰中天雨露正垂衣小臣載筆瞻雲近隱隱彤樓護曉暉

禁中春雨和同年王敷五韻

選一

雨拂輕陰入禁庭空堂香霧晝冥冥高懷亭館聲偏寂芳草池塘夢正醒三島烟光浮渚白九天蒼靄入簾青一春花事將過半零落芳華點翠屏

下直過許生洲寓齋同仲調顓菴運青成博飲松下卽

席分得松字疊韻四首

選一

天半雙蟠百尺松濤聲疑應曉山鐘虬枝月暗新巢鶴古榦霜晴老臥龍窗外鳥來窺短麓庭前人坐對高峰客中荏苒年華

換此夕方知是早冬

金陵雜感和顧尼備韻

選一

石頭形勝壯南都天塹居然控要區西下江流通岷蜀東來山色接荆吳樓船王濬人今古壁壘周郎地有無漫說往時多王氣臺城亂後戍烟孤

西湖雜詠和韻

選一

兩峰南北鬱崔嵬中有龍宮架壑開百道飛泉天半落一聲清磬澗邊來青林是處供樵斧古堦何年化劫灰坐對嶺雲忘日暝春江隱隱送輕雷

過積善寺海會堂次壁間程孟陽先生韻

揆幽未覺入林遲古寺陰森暫憩宜佛火一龕僧定後松風半壑鶴歸時人思何武重來日

舊劉令有政聲重來寓此

壁有松圓舊詠詩幾



欲追尋問遺事寂寥誰是會堂師

錢中諧

聞鄰舟琵琶

細雨東來棹不西琵琶何處弄清淒水流隴阪聲方咽沙落寒窗響未齊舊日青衫霑尚濕淡更白紵唱尤低可堪謝尚原豪興觸緒難拚醉似泥

再次柏使君前韻因以自歎

選一

久作忘機海上鷗浮湛焉敢托名流已知勲業歸劉表未許文章效魏收論史千秋希獨見懷人百尺跂高樓年年跼踖同秋燕那得我冠戴遠遊

和吳明府龍光塔燦唱

突兀龍光出寶臺凌空萬象豁然開側身飛鳥連雲起放眼長

江激箭來日月竟疑浮下界星辰直欲摘中台舊觀還仗神明宰不媿登高作賦才

梁谿寓中

選二

咫尺辭家卽旅人蒯緱無奈逐風塵籬邊晚菊愁虛館渡口寒潮識舊津隄柳自傷搖落久江鴻亦媿往來頻少時蓬矢今何在不爲途窮也愴神

朔氣蕭森集暮空憐將襪被觸西風古原經燒荒荒白霜葉辭林澹澹紅歲晏正當鄉路外夜長併入客愁中槎頭可有鱸魚約一片歸心恰向東

期霏玉不至

相逢客裏半征車何事山樓尚讀書望斷疎林帆影外夢來殘角雁聲初下帷久擅三冬足贈策淡慙一紙虛此日長衢翹首



處龍門早冀化鯤魚

華髮

華髮絲絲到鏡中漫將精力付雕蟲新愁易聚霜前葉舊夢難尋雪後鴻強作蠹魚思食字愁聞病驥欲嘶風虞卿書是窮時著不奈無文可送窮

篴重光

懷大風

春淡雙燕草堂前拂檻穿簾似去年門掩薜蘿三徑雨地多禾黍六朝烟貧來曾貸監河粟老至同參雪竇禪潮到石頭城下轉每從江上問漁船

鄭惟廳

姑蘇懷古

春光遙上闔閭城嫩柳新花自向榮楚澤南連吳水闊胥山東望越潮平烟淡故國餘殘燒身度疎林送晚晴回首荒臺曾牧馬英雄千古此縱橫

熊坊

三月三日吳伯成明府招飲錫山倚雲樓

畫棟翬飛結構新招邀喜共醉南熏樓前寒瀑空厓響天半疎鐘下界聞隔樹猶銜歸嶺日開窗欲接出溪雲從來勝事應難再千古蘭亭又使君

劉廷厥

衙齋看雪得非字

漫因風雪苦思歸好撥紅爐共客圍三徑蹋開東郭履半天吹上謝莊衣夜來江路梅應綻望裏烟邨鳥不飛一任玉龍酣戰



後醉忘身世未全非

雨中送別友人

正是啼鴉泣血時  
聲聲歸去客何之  
十分春色無多日  
三月桃花有幾枝  
寒入單衣風習習  
濕侵殘屐雨絲絲  
何堪寂莫愁如海  
又向江天悵別離

沈鏗

送友人之秣陵

若爲千里送君行  
咫尺無端倍慘神  
正好共消愁裏日  
最難別是意中人  
江天渺渺鄉心切  
雲樹蒼蒼望眼頻  
早晚歸來尋舊侶  
區湖秋月夜如銀

劉廷燾

過陵陽呈贈姚六康明府

溪山好處足徘徊  
況復談經絳帳開  
政少可知官漸冷  
亂餘猶喜客頻來  
半簾月滿書千卷  
五夜霜清酒一杯  
自入龍門情更重  
雁寒聲裏忍言回

張亮忠

送別劉佶四之陵陽

一路青山擁翠嵐  
披襟觸暑又搜揆  
裝因僕老書先減  
閣有人開酒定酣  
紙筆好抄前代史  
雲泉兼訪舊遊菴  
從容粉署聯吟後  
何日歸來得縱談

黃泰來

秋晚同唐祖命先生渡鑾江夜次朱家口

秋色人同北路歸  
晚投寒浦思依依  
山雲繞寺雁初過  
漁火照江花亂飛  
客裏空囊添酒債  
月中涼露薄征衣  
扁舟此夕追從



處痛飲狂歌興不違

沈浩然

送別張文學歸咸陽

與君分袂雁聲中回首秋城半落楓日短黃河崩岸白霜清野  
戍暮旗紅已標江左風流目歸賦關西百二雄千里五花從此  
去應思震澤有漁翁

徐正國

楊嘉樹招同曾青藜諸子衙齋看雪得書字

漫天風雪冷琴書掃徑招邀亦及余浮白沽來開甕蟻烹鮮買  
得就船魚平埋車馬愁無路凍合乾坤幸有廬正是兵戈勞攘  
日幾人容易醉閒居

姚玠

遊萬松菴次畢恭介公韻

懸崖古寺倚山隈烟鎖重陰晝不開半嶺松能巢鶴鶴百年人  
已沒蒿萊鐘鳴殿角諸天靜風卷濤聲隔院來最是吾生愁未  
了與君長嘯共銜杯

邵中泂

夜雪有懷姚六康明府

連日陰雲凍未開空庭一夜玉成臺寒水落井靜還響斷竹壓  
風吹又來好取烹茶思擬絮何妨酌酒更尋梅袁安若不逢賢  
令高臥于今沒草萊

姜實節

東門訪劉葦菴索賦

旗亭東望是君家路轉危橋石徑斜避世已無秦歲月卜居猶



見晉桑麻荒原草暖眠幽犢小港春晴浴乳鴉八口琴尊堪共  
老底須重挽鹿門車

鄭 昱

維亭訪朱爾發草堂小飲畱宿

依然邨曲古田家編竹爲籬雜野花舍後小園巢鳥雀牆邊野  
老話桑麻客來草閣幽堪坐酒盡旗亭夜可賒剪燭更闌拚共  
醉明朝分手又天涯

方中通

尊經閣中漫題二首

選一

古屋惟餘舊薜蘿羈栖有淚托悲歌姓名無處逃今古天地從  
來是網羅四面雲山千嶂少滿城風雨一人多清宵只有思親  
夢可奈鐘聲到枕何

雨中過陶菴

春回別院隔香隄曲徑橫橋烟雨迷林木扶疎花上下樓臺層  
折水東西雲連塢影當窗直簾卷山光入檻低重把老親圖畫  
玩陶湖風景正淒淒

先大人歸窆浮山

風波影裏路茫茫薤露歌聲入夕陽家在神州非故國魂歸舊  
里亦他鄉三千里外來烟瘴二十年間總雪霜今日彌天皆楚  
些羈人負土更淒涼

天池風起逼人寒里老吞聲淚未乾末世但能畱爪髮

首山華嚴俱建

爪髮

名山安得葬衣冠夢爲蝴蝶求仙易歲在龍蛇問世難遺

命久依先塹畔紙灰飛入碧雲端

甯 峒



挈家雞母山得農字

攜家何處白雲封親舊相依作老農嶺外路從石子港山南住  
有蓮花峰蓮花之峰從來居民避亂之處竹林結隱開三徑橡實充饑過一冬  
暫寄不聞城市事應無塵夢到孤筇

陳 莢

銀餅井

忠武祠堂秋雨過城頭吹角引悲歌苔封斷碣斜陽下汲廢寒

泉衰草多一自銀餅沈井渌遂令金闕改山河武穆滿江紅有待從前收拾舊

山河朝金關之句色絲黃絹重題此前有曹娥後岳娥

寄寧都曾青藜

廿年分手逢良友一夕開尊敘歲寒誰信幼安更皂帽却從子

美誤儒冠諸君旅食閒居少編詢李斯年諸子知己論心見面難訪沈心仲

不欲向吳趨問梁孟五噫歌罷醉更闌青藜攜酒寓吳門

不是故人偏負約坐令客至費招尋家貧日重催科令青藜約再過余

以完稅赴武原相左世亂天憐擊楫心賦稅只知鞭甯越文章孰解得陳

琳莫愁兩美期難必最有神交交更深

沈奕琰

昆山天游閣望太湖

萬松峰頂擁書樓森森湖光晝夜浮高嶺半隨黃葉下平沙多

為白雲收一時坐臥忘人境幾日登臨送客愁愛聽濤聲歸未

得滿林風雨促扁舟

沈嗣選

感時

長安車馬競通津西市衣冠血尚新白首同歸成底事青山獨



往竟何人華亭夜月堪聞鶴水國秋風好憶尊竊歎當年朱長  
史可能重負會稽薪

索居漫興

秋風消息定何如落葉蕭蕭伴瑟居四壁蟲聲人靜後一簾月  
影雁來初拈詩自愛陶元亮對策羞隨董仲舒常恐離羣滋吾  
過不徒輒歎故人疎

清明

乍晴乍雨艷陽天輕暖輕寒未脫綿二十四番花有信一百六  
日樹無烟牛醫上冢知先澤馬鬣增封藉後賢濃綠陰中啼杜  
宇頓令遊子淚潸然

陳之遵

樂道吟

選一

心忘塵境坐忘形天地由來更莫憑虛室葆光明似月寒窗枯  
影冷于冰百年事業三春夢一榻琴書半夜燈愛此雲林紆曲  
處行吟獨上最高層

沈世奕

渡彭蠡望匡廬山

匡廬登嶂與天齊彭蠡蒼茫極望迷山色遠連雲夢北潮聲直  
接大江西幾人身世同鷗鷺此日中流尚鼓鼙最是客愁腸欲  
斷故山渺渺夕陽低

吳 父

秦

質子妖姬盡可居六王猶在已丘墟鞭橋東去無靈藥驂乘西  
歸有鮑魚黃犬淚中慙廢立白蛇醉裏報驅除當時好爲秦非



計牧地爲封食有餘

沈登

次韻贈吳子政

有客離家易斷魂與君托跡總荒邨風迴萬樹烟雲合日落千  
山天地昏勝爻清談聯木榻老親白髮阻柴門予避河渚  
老父在城武陵  
曾泛漁郎棹好傍桃花問水源

姜廷梧

歲暮寄毛馳黃

花暗江城急管吹提壺同醉習家池空回南浦青絲竿曾折西  
湖碧柳枝亭畔寒梅前夜發江南冰雪暮冬遲離居張望雙魚  
杳徙倚高樓有所思

蔡元翼

夜坐書懷

空齋蕭瑟正初冬坐久思親恨莫從窗外輕風敲敗葉階前鳴  
葉雜寒蛩吳宮花草無多日越國樓臺但數峰遙想西泠湖上  
月空隨歸夢五更鐘

秋感

金風颯颯吹雲濕枕簟蕭條睡欲遲病葉獨隨秋過半愁人最  
畏夢來時窗中燈影迎寒入天外鐘聲到曉知自笑蹉跎人漸  
老清霜又上菊花枝

秋夜樓頭望月

木落秋高月影清樓頭夜色倍空明關山夢後鱗鴻斷砧杵聲  
中蟋蟀鳴坐久露凝桐葉重愁淡風動柳條輕中宵無限傷心  
事最是離人畏五更



柯崇樸

上谷道中

陌頭嘶馬出垂楊上谷猶餘朔氣涼九十春光行欲盡三千客  
路望偏長無邊芳草迎征騎半落斜陽入大荒莫道鄉園飛夢  
杳燕臺回望亦茫茫

登黃鶴樓

飛甍直壓漢江流吳越風光列上頭百道帆檣天外盡萬家烟  
火望中收凝雲迴處全消暑細雨飄來半欲秋卽此真堪仙子  
宅何須迢遞覓滄洲

漢上贈查韜荒

我從薊北千山至君自滇南萬里來鄉思尚悲吳苑隔客愁且  
向漢江開熏風到處迷芳草玉笛吹殘怨落梅謾道相逢始領

蓋十年早識子雲才

虞山眺望

獨上虞山興不窮憑高極目倚長風兩湖春色浮天外萬井烟  
花落鏡中地接滄溟烽火靜雲橫睥睨夕陽紅登臨未覺歸來  
晚幾處笙歌動碧空

曉行

倦宿宵分夢正迷張燈喚客走長隄坐看海角生殘月行聽山  
邨報曙雞庭院露溥叢桂濕池塘歌出采菱低何時解纜淮南  
路拚却花間醉似泥

柯弘本

春郊

草細風微二月天每從雨後過溪邊春流好待桃花漲社日初



看燕子還楊柳渡頭低夕照麥苗隴外起寒烟登臨自昔多良  
會何事空嗟物候遷

柯維楨

和陳雲銘見贈原韻

登臨旅客欲思歸到處尋人未可依鄉夢不曾疎遠道秋風偏  
自薄征衣西園籬菊花叢發南國清江雁獨飛還羨梁園多好  
會春來携手莫相違

經大孤山

鄱陽秋漲滿晴湖湖上青峰指大孤增影插雲浮碧落鐘聲渡  
水入虛無山連吳楚分烽堠地控荆揚走舳艫極望烟波凌九  
曲丹楓白雁是歸途

桂山揆梅

選一

躡屐前林露未乾烟光片片綴餘寒池開清影驚香斷簾隔疎  
花落髻殘雙展關河經歲別一尊風月故鄉看此中便已消塵  
慮搔首長吟天地寬

渡浙江

冒雨曾看八月潮衝寒今復渡輕橈江分吳越頻來往浪擁乾  
坤竟蕩搖林木望中開殿閣溪山淡處隱漁樵會稽自昔多嘉  
遁布韞青鞋好共招

霽園和青士韻

舊築溪園近郭西欣從雨後共攀躋佳辰客向層樓望野岸舟  
迴夕照低雲樹參差秋色淨桂叢遠近暗香齊堪憐風景都如  
昨何日行遊手重攜

柯鄧枚



鄂王廟

檜柏森森繞墓垂，短牆猶護向南枝。  
湖山不解中原恨，風雨如逢北伐師。  
寢殿草荒樵牧至，邊笳聲動馬牛悲。  
高歌莫問當年事，憑弔傷心只自知。

渡黃河

畫舸飛帆下急湍，桃花三月水漫漫。  
濤聲似欲雷霆鬪，水氣能令日月寒。  
西北泉源揆地脈，東南民力盡河干。  
賈生三策今誰用，縱鎖支祈亦未安。

葉 霑

客樓雨望

縣城南向碧山頭，山色當空入畫樓。  
遠雨一來晴忽暗，寒風欲起夏如秋。  
溪流漲淙淙，落樹杪雲生黯黯浮。  
極目不分鄉國

遠頓令滿榻坐生愁

高文濟

曲陽雪後將歸維揚畱別瞿有仲

雪天初霽亂雲飛，執手河橋淚滿衣。  
萬里雲山依子舍，三年魂夢隔慈幃。  
鶯花路上雙藍輦，蝦菜湖邊一釣磯。  
料到家園三月暮，廣陵春色待君歸。

單家橋除夕

不覺今宵是歲除，春風春夜尚馳驅。  
三千里外人歸少，十二樓中夢到無。  
白髮椒盤諸弟在，青燈草店一身孤。  
明朝策蹇知何地，欲向燕關問狗屠。

高文濤

吳山送汪扶晨歸揚州



一到吳山最上頭湖光縹緲亂峰浮  
帆飛雲影千層雪日落楓林萬點秋  
宋玉有情空作賦休文多病嬾登樓  
晚來簫鼓催詩興載得琅玕共一舟

孫蕙

龍門

崑崙劃出大河通萬古安流祀禹功  
勢下三門吞郡郭波翻九日入鴻濛  
削成兩岸飛晴雪橫擊中流落曉虹  
問渡還疑天路近竚看巨浪破長風

秋日登燕子磯

選一

層層巖壑映蘆洲形勝依狀據上游  
三楚風烟青嶂外六朝文物大江流  
高灘夜冷魚龍夢絕壁空迴雀鶴秋  
蠟屐欲探鍾阜勝江天徒倚迥生愁

舟次感賦

選一

惆悵何時賦遂初孤篷短棹一鷗如  
百年宦業寒潮外千里鄉心落照餘  
旅雁夜呼霜壑動蟄龍波靜石樓虛  
停橈遮莫嗟行役濁酒長歌意自舒

喜王徵思至

選一

蘇門風物接山阿寄傲南窗盛女蘿  
朔氣商飈迷白雁孤裝千里渡黃河  
空慚賈傅過秦策誰識梁鴻出塞歌  
秋盡江南聲并咽欲將離緒問漁蓑

維揚懷古

東都形勝逐江開風色蒼蒼首重回  
楊子潮聲瓜步出秣陵秋色海門來  
歌殘玉樹空存曲觀冷瓊花尚有臺  
太液餘波畱恨譜玉人香冷月徘徊



清潭感懷

廢塍殘壩隱湖天，民困東南已七年。  
轉餉漫勞農部策，持籌幾費水衡錢。  
林間細雨生寒柝，野外疎鐘上晚煙。  
力役頻煩功不就，日聽鼙鼓夕陽邊。

鸚鵡

自慚鷗鳥靜，忘機翠羽翻。  
騰映落暉月，射雕籠紅豆。  
盡簾開金鎖，素心違一從。  
隴右聞興廢，不向宮闈說。  
是非羈旅愁，多聰慧損一枝棲。  
息夢依稀。

方象瑛

留別語石山

露落梧桐秋正分，蕭然石寺蕪香芸。  
松聲着夜時吹雨，竹影平樓欲刺雲。  
花外鳥啼疎磬遠，城頭月送晚鐘聞。  
爲憐別後游仙

夢未忍扶筇看落暉

次江州

潯陽江畔古江州，地扼荆揚接上游。  
五柳舊傳陶令里，百花仍得庾公樓。  
雲移廬阜穿天迴，雨過巢湖繞郭流。  
安得遠師同結社，尊前黃菊引清秋。

黃永

吳門雜感

選一

高旗大旆簇征鞍，巧宦何如司馬安。  
笑我三旬虛索米，問誰一日幾遷官。  
閒居漫學潘生拙，作客應悲范叔寒。  
實命不猶翻自慰，前溪聊刷釣魚竿。

吾廬

百年交態總浮雲，車笠當年忍復論。  
小艸自淹揚子閣，大書敢



比翟公門時難翻覺無官好身賤疑因有道尊冠蓋過從知底  
事吾廬疑築武陵村

汪鶴孫

雜感

蕭疎籬菊耐霜寒砧杵秋風動夜闌終歲軍需煩仰屋一時估  
豎盡彈冠上書賈誼涕何極執戟揚雄老自安寂寞清齋成底  
事良朋尺素問加餐

對雨

芳菲三月負佳辰風雨綿綿似送春朝旭却如迎熱客愁霖端  
合伴幽人奴因賫帖頻求米婢爲炊煙苦溼薪不識先生緣底  
事書堆坐擁卽忘貧

潘鏐

晤顧懿超

刺刺寒風入敝裘客懷無那恨淹留登樓空自憐王粲濯足何  
人識馬周霜滿蕪城吹曉角月明古渡照邗溝來朝又鼓淮陰  
棹歲暮還同汗漫遊

廣陵春暮

青春愛我莫淹留狼籍春光不自由夢逐繁華如中酒心憐芳  
草怕登樓牡丹開後花無主隄駛聲中水獨流二十四橋人寂  
寞銷魂從古是揚州

同王任公次耕弟飲湖上酒樓

天清來上最高樓遠色蒼然散客愁烟樹欲連吳越暝帆檣疑  
帶楚江浮天涯兄弟雙長鈇湖海英雄一敝裘此日相逢何所  
事且憑虛檻看沙鷗



周 篁

荅胡天岫

昨歲曾逢休上人傳君詩句見情真念余貧賤逃生計爲欲褰  
裳問水濱今日梅花開近廡尚餘竹葉買西鄰食其山下無多  
路願一相過及早春

春夜過指月精舍

偶值春閒叩竹扃風飄清梵正堪聽殿前夜月明無火檻外春  
波定有星茗椀擎憐香細細蒲團坐壓草青青此中幽興誰能  
賞許我忘機得數經

吳門卽事

江南佳麗姑蘇郡兩槩秋風此乍經天外波光連震澤雨中山  
色出支硎當時霸業人誰問向夜吳歛客厭聽游冶少年還載

伎聯翩歸自錦帆涇

丁 煒

薊門咏懷古跡和林澹亭作 選二

燕臺事去竟如何紫陌塵飛車馬過市上偏逢屠客少眼中空  
見酒人多白虹西貫摧殘日易水東流歎逝波惆悵漸離相繼  
盡寒風無復動悲歌 燕市

青山名傍古人存賈島窮居有故村客舍無烟成獨歎秋風落  
葉向誰論十霜幾墮并州淚萬里空歸蜀道魂烟月石樓寒瑟  
瑟夜深疑叩老僧門 賈島峪

書甲寅臘月事

羽書夜至楚江東殘臘淒風恨不窮早歲身餘鋒鏑後經年心  
落鼓鼙中都亭日暮催征騎故國煙深斷去鴻極目松楸空涕



淚那堪歸計歎飄蓬

董蒼水來都投詩次韵走荅

泖湖煙景動幽思會有雙魚遠寄詩蒼水先自松江寄詩見贈正憶王孫芳

草暮忽傳名士過江時維舟張賀初相識入洛機雲不厭遲蒼水

閩石竝以詩名水國官田新秫好為君預釀菊花卮蒼水詩有珍重新京把酒卮之句

垂鞭重向帝城過繁露書成近若何千古梁園詞客少一時燕

市酒人多忘年謾作彈冠語長夜誰聞扣角歌匣底芙蓉頻自

拭星文灼灼動津河

潞署七夕有懷雨航叔暨諸兄弟次汝弟韵

爛漫聊登薊北樓干戈隔歲亂鄉愁夢迴砧杵千家月露下梧

桐萬井秋牛渚槎浮銀漢迴鵲橋星渡綵雲流阮家此夜芳樽

冷應少青錢挂杖頭

東余佺廬

西莊給事近何如輒有瑤華問索居新疏共傳真諫議故人猶

自困河渠朝回佳客傾鸞杓睡起晴窓拂蠹魚咫尺通津同素

漣忍教踪跡蹙蕭疎

日月河干帶鍾行相思迢遞隔都城青春有負巾車約舊雨空

懷倒屣迎葑圃雲亭初結講竹鑪松塵久縱橫何當把臂清秋

夜共聽芭蕉瑟瑟聲

過大通橋署有懷田子綸

青門二月景偏饒岸柳初垂雪乍銷官舍簾櫳依水靜人家煙

火鏡城遙波光滉漾漁投網夕影參差馬度橋莫歎年來疎酒

伴故人曾此一相招

方伯景行大兄駐節姑蘇丁巳冬兒昔爵南歸道經趨



省慈愛深至兼荷示問賦此寄謝

漕河東去隔斜暉  
春草青青入夢稀  
稚子扁舟過白下  
先生樽酒話烏衣  
多情歲暮還相憶  
薄宦天涯未息機  
爲想南樓清興夜  
月明應見塞鴻飛

清明有感選一

荒城細雨客來踈  
慘澹難過二月餘  
濁酒春消寒食節  
青燈夢斷隔年書  
持觴有女悲將母  
乞火如僧慰索居  
最是棠華開落候  
舊山啼鳥正愁予

壬寅除夕作

冷署頻經歲序移  
無端此夕轉凄其  
詩書千帙灰心後  
風雨三更冷夢時  
秉燭難留殘臘去  
聞鷄獨起故鄉思  
蹉跎廿九明朝是  
莫笑潘生早鬢絲

別琴臺

長嘯登高不厭頻  
孤琴離曲恨方新  
村煙冉冉迷紅樹  
塞鴈蕭蕭下白蘋  
六載名山成好友  
一天暮雨剩歸人  
臥遊應有他年約  
未許宗文獨問津

都門將之魯陽留別陳轉菴毋舅兼送入黔赴行軍司馬之任

一片秋風過禁城  
離樽共向客中傾  
司空舊淚懷能子  
桓豹無才愧外生  
細雨蒼葭伊水恨  
斷烟踈柳涓陽情  
相如近有傳巴檄  
直內西南望遠旌

臘月十五夜書懷

高燒銀燭逼殘年  
身世悠悠獨問天  
三五夜分風帶雪  
六千鄉路水如煙  
魯公乞米徒存帖  
趙壹探囊少剩錢  
惟有西山春色近  
曉來爽氣落檐前



冷士嶠

漫興

鹿門歸隱臥林丘戎馬兵戈且未休  
聞海戍煙連曙日江城鼙鼓動  
清秋時荒抱病惟高枕世亂憂人易  
白頭但可著書饒歲月不謀升斗療窮愁

遊匡廬山

翠壑丹厓好寄蹤亂山深樹入雲封  
懸泉倒挂三梁石絕壁橫開五老峰  
白鶴觀前初見鹿青牛谷裏忽聞鐘  
徘徊想結茅廬處錦繡屏風萬疊重

寄劉令言

關河霜冷雁南遊雲物淒涼屬暮秋  
萬里飄蓬猶作客二年戎馬更登樓  
艱難阮籍窮途哭憔悴江淹去國愁  
爲報他鄉搖落盡風塵惟有敝貂裘

胡覲徵

寄懷石屋

潦倒無成困一經甘貧盡日掩柴扃  
相憐老爰頭雙白近識何人眼獨青  
浪跡由來稱小草無家且復類漂萍  
窮愁得計惟高臥莫向天涯對客星

聞山佃移居郭外却寄

卜居何日去塵寰赤壁磯東第幾灣  
名字豈堪畱濁世性情只合老空山  
窗間木榻供高臥竹裏柴扉久不關  
餘地幸爲成小築衰年相共聽潺湲

韓魏

登金山



崔嵬直踞大江流萬里洪濤一柱收孤墪高連清漢氣諸峰遙  
接白雲秋林間仙梵潮聲合檻外風帆樹影留破浪身應懷壯  
志千年心事問丹丘

呂士駿

暮過友人宿

薜蘿燈火見依稀滿徑昏黃草色微地僻此中無客問夜深何  
處有人歸離離影帶山泉響嘒嘒聲傳沙雁飛隔岸水流牽一  
棹斷崖月出照雙扉

訪爰夜歸

村墅人家煙火稀高天月色送人歸滿林葉落平樵路斷岸溪  
流沒釣磯曳杖數聲花犬吠刺船一點雪鷗飛嚴城寂歷聞宵  
柝霜積空庭冷扣扉

雄縣曉發

夢破漁人促去裝孤城落月戍樓荒一聲曉角雁行起十里水  
風菱葉香喜聽殘雞投野店愁驅羸馬渡寒塘遙看直北浮雲  
際煙樹微茫是帝鄉

呂士鶴

春盡夜雨止

檐溜初停耳畔聲檠燈搖影焰方明坐聽雨過春同盡愁對風  
微漏亦清曲裏鶯花今夜夢閨中兒女隔年情自敲石磬難成  
寐又聽鄰娃試暖笙

毘陵郡署與徐扶令夜話

侵階灑露滿秋城近戶星河入座明幾處新鴻雲外影一天涼  
杵月中聲遙遙闌夢牽長夜歷歷羈懷共短檠寂莫連牀官舍



冷醉聽梧落不勝情

署中喜晤曾青藜賦贈二律

選一

闔閭城下幾秋風  
桂樹蕭疎借一叢  
金簡赤文藜榻畔  
綺窗紅袖錦書中  
爲憐飄泊猶依表  
誰薦文章復似雄  
賴有故人霄漢在  
不教阮籍泣途窮

蔡士怡

自西峴峰反官人澗道五里若斷若續

山徑崎嶇絕馬塵  
一回經過一回新  
行來但覺容芒屨  
看去何當有石門  
晴鳥高飛齊落木  
野猿端坐似閒人  
蕭蕭谷口迷歸路  
曳杖相將向白雲

訪冠石先生

冠石先生真吾師  
廿載棲遲人不知  
一路寒松到谷口  
千山落日在茅茨  
采茶又值清明候  
酌酒應多昏夜時  
誰謂官人相咫尺  
幾旬纔得一披帷

崔干城

西山同岑梵則王說作陳喬生梁藥亭陳元孝集高望

公客齋賦

青山野水各栖遲  
亂世相逢喜復悲  
地似新亭畱草色  
心隨落日向天涯  
尊前雨氣侵高堞  
原上秋風弔古祠  
白首壯懷消已盡  
誰家明月夜吹篪

于懋榮

春感

倚醉歸來南陌頭  
銀鞍斜控唱涼州  
繁花細草春深怨  
紫燕黃鶯日暮愁  
祇可頻傾金盞落  
何妨一著鐵鉞鋒  
百年荏苒行過



半長對東風泣楚囚

秣陵形勝近如何江水江花感慨多  
一自千軍閒坐甲遂令三殿罷鳴珂  
春風怨起麝脂肆夜雨愁生玉樹歌  
仗節臨戎思相國西州重過淚滂沱

徐無能

寄爻

半簾疎雨一天秋煙水空濛江樹幽  
對酒不堪思往事懷人又欲起新愁  
蕭蕭桐葉階前路點點青峰波上浮  
爲憶東陽頻寄問吳城已是幾年留

趙吉士

送江無波東歸

紅亭駐馬思依依雲樹連天雁影稀  
開到酴醿春已老攀殘楊

柳客將歸有妻偕隱新椎髻與子無慙  
敗絮衣欲學玄真垂釣去一竿海畔未  
曾非

無波聞警阻行簡慰

裝成又解欲何依古道斜陽遠樹稀  
心戀蓬門遊已倦眼驚埃火路難歸  
相逢舊友仍彈鋏莫怨他鄉未拂衣  
多謝湖山容我葦羽書消息聽來非

舟過東昌登光岳

每於高眺便關情況復春歸尚遠征  
萬木排青封海岳長河鋪練束山城  
鬱蒸氣合朝來爽黯淡煙迷遠望平  
觸緒傷心無一可林間又聽伯勞鳴

柯城送任文階還陽羨

竹舍青燈漏未沉夜光先入旅人衾  
一簾烟雨難爲別千里江



雲其此心意盡還聞巖半嘯曲高止作郢中吟莫愁我輩長貧  
賤爨下枯桐有賞音

甲午秋日同俞去文程非二汪文岫許裕卿徐次履曹  
聿修許芳城集白雪樓分賦

蒼蒼日暮客登樓羈旅難堪笛裏秋我輩自然無媚骨諸君那  
得不窮愁紅分遠樹霜千嶂綠浸平波月一洲長嘯碧空清宴  
徹銀燈人散板橋頭

送許芳城之吳門次非二韻

一棹延緣入葦葭秋林赭葉艷於花薄同蟬翼難求庇險盡羊  
腸莫用車熟不因入猶見汝貧雖在客亦如家吳江未冷君先  
到心逐南征雁雁斜

金山靳王廟

古廟歸然控上游雲沈戰艦夕陽收江烟時帶魚龍氣潮水猶  
傳鼓角愁南度衣冠空半壁中冷俎豆竟千秋可堪驢背投閒  
去長使崖山作帝州

送同年徐次璆之上黨

長安折柳送行時執手河梁各賦詩名士何人堪指屈舊交惟  
爾是心知郵亭花發聽春鳥野店燈昏問酒旗黯黯停雲增悵  
望太行山下馬行遲

輓程貞士

草莽孤臣敢自寬懷深北闕白雲寒愁吟鵬賦生何益痛哭龍  
髯死不難玉步已更新海甸精魂猶認舊衣冠至今翁仲斜陽  
下杜宇聲聲血未乾

真州喜晤鄭詩言



比鄰一半屬焚餘通德門高好卜居來自牛衣慚叔度薦由狗  
監薄相如東籬剩有千株菊四壁存猶滿架書知爾聞歸纔雨  
月暫將踪跡寄樵漁

自南陵至新嶺凡三日余坐篋輿采臣策羸馬山川所  
歷是處成勝漫賦紀事時已亥陽月也

選二

鄉關漸近數歸程愁思還應內領生夢趁寒鐘尋舊榻泉經夜  
雨換新聲五更燈火催人去十里霜華伴客行曉發頻遷村店  
路一灣煙樹小橋橫

曉炊茅舍澹煙橫澗水潛流濕雨聲名士垂紳趨幕府健兒帶  
甲笑儒生幽尋是處停遊屐太息何人報輟耕麥秀黍離愁過  
客幾時攬轡話澄清

過飲吳船茵次索詩卽席賦贈

金臺猶是舊山川適意無妨構數椽非水欲浮張氏屋有書長  
載米家船雖然薊北風塵裏死在江南水石邊前輩親朋零落  
盡不堪對酒話當年

十年游宦老燕山歷盡艱難鬢未斑故國煙波千萬頃此中風  
雨兩三間月涼如水齋疑舫酒熟生香客扣關樓角數聲天欲  
曙醉中錯喚棹舟還

裘古苞館都門忽作歸想濮漪園維舟以待又不果詩  
以慰之

幾回鄉夢隔錢塘碧樹蒼煙伴夕陽好友方停將發棹僕夫又  
解欲歸裝半生強項埋書案十載傷心困講堂聞道故園芳艸  
綠不堪風雨對藜床

眺望作



遠眺鍾山何所存齊梁花月盡荒墩春歸昨夜飛紅雨雲散清  
江見白門空翠千重衣乍染遙光萬疊水平吞芳洲遠樹分南  
北幾點漁舟傍野村

閔百詩甫自秦歸追至大原驛路送予賦此誌別

流澌結玉靜無波感汝西來策馬過秦地關山尊華岳晉陽城  
郭傍汾河傷心故國勞魂夢跣步荒丘泣薜蘿知己不消揮別  
淚百年草泮旅中多

八月廿日宣城旅中病瘥許子柔邀予游敬亭散懷

小坐籃輿出野棲家家稷稻剩青畦他鄉伴我尋名跡病骨扶  
人上石梯萬頃蒼波浮百雉千村翠靄落雙谿欲追謝眺驚人  
句到處堪供載筆題

栖霞寺侍老父治裝將歸故園

晨昏侍立進伊蒲日日過庭不敢趨午夜讀書分梵火連朝洗  
藥借僧厨空門任我彈長鋏隔舍何人據槁梧無限春山歸去  
好故園有路未荒蕪

重遊靈隱 有序

靈隱五大夫樹下余昔年下帷處也羈遲四方與勝地相隔俟廿年所乙卯夏自白嶽抵武林同又生葉師汪子殿武程子香升兄鳴佩弟安侯家石菴和尚重遊故地則頽垣破屋荒烟蔓草及尋主僧鮮有存者蓋人事變遷久矣初擬觀日聽潮于韜光山雨驟來遂爾輟屐於時掃薙蕪萊篝火浮盃四壁在風雨中岑岑欲動師友永夕以次詩成殆所謂昔年靈山一會儼然未散云時夏之重六日也

千迴青嶂白雲封散步山亭聽晚鐘紺宇已移前代寺蒼顏猶  
識舊時松羈魂長戀三生石過客新來五老峯記得讀書臯嘯  
處深篁細雨恰重逢

二十餘年此一登悽然問舊淚如澗亂穿鼠穴通禪座久結蛛



絲骨佛燈莫歎空山荒故徑却憐破屋剩孤僧丹崖綠壑渾無恙去住幽尋第幾層

程蓋臣還松陵索贈

平湖日落挂魚簪舟曳迴瀾綠幾層洞裏無人藏舊曆山中有客謁前陵愁同衛虎情難遣豪類元龍氣不矜更入雲間尋逸侶九峰溪處話秋燈

十三陵 選二

停驂日午鳥關關怪石層巖未易攀百尺丹牆橫碧瓦九重黃屋傍青山殘丁散落存三戶廢監荒涼剩數間只有坊前翁仲石終年執芻尚蒼顏

堪輿勝氣半空騰天外雲霞大壑蒸銀嶂虛明撐鉄壁玉魚永夜伴金燈行厨野爨煙千縷老衲危樵翠幾層太息定陵遭劫

火止留斷碣臥荒藤

羊山偶咏 選二

扁舟訪泊楚江邊記別先生十九年 巴亥中訪馬長治篋有人逸先生於蕪湖通畫象撒臯無地授韋編豹林下拜傳種放馬帳相依歎鄭玄

賤子遠來分一席自慙妙理未能研

曲徑穿雲憩石亭畫圖四面望如屏山來透遷雙天目水際青蒼兩洞庭几上焚香曾玩易門前立雪更傳經筍輿蘭棹無虛日雖設荆扉夜不扃

曹鼎望

潤州蚤發遇雨

打鼓開船水勢平一天煙雨曉寒輕橋邊竹樹迎人立渡口兒郎看客行自古雄藩稱鉄瓮誰知北郡有龍城揚帆直下西江



去鷄犬須教夜不驚

重陽閏邸報京東早有蝗入秋三月家報杳然

無情無緒屈重陽縱使登高難舉觴不見天南頻度雁但聞薊北遍飛蝗西江穀賤誰能飽東道民災最可傷籬菊不知人意亂枝頭香綻半堆黃

郭襄圖

抵西平贈沈藕菴使君

落帆亭北送君行秋月春花歲序更傲吏烟霞甘久臥故人書劍老無成蘭從舊徑思公子酒自他鄉醉老兵今夜莫辭紅燭短十年相見話平生

無題

選一

黃姑七日赴幽期牛女金河誓不移天曉漫傳桃葉渡月明先

唱柳枝詞畱將彩筆思公子記得前身是雪兒油壁乍逢春尚早好春又在落花時

寄酌彭羨門

綠楊垂水水生波羌笛梅花驛使過贈我一杯兼白雪懷君三月更黃河自憐薛漢聲名少誰擬桓榮感慨多旦晚懸知宣室召不令才子久蹉跎

顧嗣協

山中看梅

幾年不到看梅地昔日風光今尚存淺水亂流春雪路踈籬斜傍暮煙村蕭蕭野竹遮荒寺寂寂人家掩葦門待得夕陽歸去後萬山深處正黃昏

溪上



十里青山五里溪，短橋前過接長堤。  
網魚入市爭鮮賣，野飯炊香穫稻齊。  
兩岸晚風蘆葉老，一林秋雨豆花低。  
遠灘漠漠輕煙裏，無數人家住水西。

程 鵬

旅夜有懷

寥落琴書旅思生，關河遙望白雲平。  
秋光未老人方病，鄉夢回時月正明。  
征調頻年難問世，烽煙今日莫談兵。  
故園松竹猶堪憶，不禁蕭蕭此夜情。

吳陵風雨

無端風雨自蕭蕭，寂莫天涯坐暮朝。  
旅思半從愁裏過，歸心偏向客中銷。  
村烟飄渺生虛岸，野霧迷離欲斷橋。  
萬壑松濤催過耳，荒城人在正無聊。

送無言歸黃山

長抱孤琴獨往還，蕭然得似岫雲閒。  
遠鐘忽出亂峰下，高鳥長隨殘焰間。  
天地何心催白髮，風塵有客待青山。  
高懷一日堪乘興，看盡芙蓉莫可攀。

留別廣陵諸同學

羈客難留世路窮，逃名應在五湖中。  
文章笑我名無補，身世逢人術未工。  
幾夜清尊星斗落，一簾明月海天空。  
離情且共邗江水，愁見蕭蕭黃葉風。

邵吳遠

雨中留春

春去留春春悄然，春風那不更流連。  
道旁無復攀楊柳，夜半猶聞泣杜鵑。  
荏苒已驚愁客夢，空濛又悵惜花天。  
夕陽燕子巢深處，



屋也解傷春抱影憐

陸求可

玄墓看梅

登眺偏宜映翠微香多應逐暮光飛閒窺靜女青蘿屋愛傍幽  
人白板扉野雀彷徨寒欲散蚤蜂羞澀雨初肥舟車來往紛如  
織盡向招提歸不歸

叔明回樓

寶石山頭巾子峰高樓如画碧雲封天邊易落丹青筆煙際難  
描杳藹鐘十里笙歌開潑灩千秋風雨洗芙蓉飛來黃鶴巢何  
處小鞦韆川低夕照濃

田雯

登毘盧閣 選一

老栢鍊枝盤佛閣翠微秋色動林臯人家遠抱桑乾曲山勢斜  
奔碣石高檻外立風看過烏城邊飲馬下空壕憑陵霄漢人聲  
寂獨有禪燈照客袍

偶作柬淨因上人

散帙官齋放晚晴虛巖白動月華生欺人一鼠當門過繞樹雙  
鳥隔院鳴郭外看山貪落照風前聽笛弄餘聲遠公清興還相  
約明日杖藜蓮社行

園內蓼花盛開戲示友人

米囊開盡蓼花開官閣何須賦早梅茅屋偏爭秋色好西風又  
送雁聲來青鞵布襪今能否試茗彈棋日幾迴懶惰漸成中散  
癖金門執戟漫相催

送張明府之隴西



湘南劔北生戎馬百二咸陽結轡過近塞人家皆板屋入關大  
地走黃河莫愁銅虎軍符急應見葡萄漢使多土瘠官貧租未  
減待君撫字意如何

秋夜同方山

閒亭風物生初色客至披襟對酒卮小鳥窺燈穿竹去流螢分  
夜入簾時雨晴斥堠消兵甲月到關山照鬢絲不斷城頭吹畫  
角西風瀟瑟動高枝  
搔首經年厭鼓鼙只拚一飲醉如泥舍南秋水砧聲遠籬下寒  
花月影低病鶻怯風投樹立涼蛩栖壁向人啼藥欄秉燭還相  
約明日看山欲杖藜

病中示舍弟二首

選一

老屋秋燈照鬢絲壁蛩寒柝夜何其山川故國烽烟外風雨重  
陽旅病時客枕寒如霜雁羽虛窓影吐菊花枝悲秋九辨聲蕭  
瑟強起披衣註楚詞

送陳廣陵下第歸杭州

鴛鴦詞塲涕淚零歸途愁思日冥冥編籬土屋江烟白歇馬春  
城驛柳青下瀨舟船迴北固懷人夜雨倚南屏他年中櫛浹相  
訪衛水漁竿一草亭

許承家

登北固凌烟亭

憑臨千仞俯平沙極目蒼烟帶晚霞絕岸風高來虎豹空江日  
落走龍蛇乾坤望斷汀洲路南北人隨星漢槎回首惜時梁殿  
閣淒涼到處有悲笳

舟泊池陽



江上青楓葉漸黃遊人逸興付滄浪雁聲天外來秋浦魚網橋  
邊帶夕陽傍水吟成雙澗合孤舟行對萬山蒼還知九子峰高  
處明月應懸客夢長

夏首集宿影亭喜玉少歸自晉中得來字

節候朱明細雨催故人攜手破莓苔一年關路雙鴻斷千里河  
汾匹馬來入坐漫尋花閣夢銜杯空有雁門哀應知野外頭堪  
白天地茫茫戰伐開

和李侍郎閱水經注憶洞庭之作

夜半攤書思杳冥岳陽波浪舊曾經湖光帶雨連天白澧草淨  
烟入夢青豈爲巴陵尋記注還同漁父問滄溟湘君是處堪憑  
弔秋水茫茫憶洞庭

舟中讀對巖太史新詩賦別

蕪城烟雨悵途窮急漿秋江趁楚鴻莫訝詞臣嫺戰伐還將詩  
句靖兵戎夢迴隋苑笙歌外在荆門鼓角中幕府待君宣豹  
畧可堪離別向孤蓬

潯園限韻

烟橫雉堞傍幽居籬落春深駐筍輿五夜笙歌連鼓角十年人  
物老樵漁愁看畫閣鶯花晚夢到雷塘風雨疎試上高臺頻眺  
望玉鉤明月暗南徐

宋 犖

曉起

朝陽欲上雲氣寒江湖一望波濤寬哀鴻去樓不盈尺疎竹搖  
風纔數竿天涯歲暮倍惆悵孤身小院仍盤桓樽中有酒須盡  
醉昨日菊花今日殘



秋興

楚中形勝說黃州亂後依然江水流到眼雪堂紅樹老傷心赤  
壁白雲收官閒射虎時驅馬歲晚看山幾上樓俯仰天涯蕭瑟  
甚叢篁寒雀暮啾啾

葛殿卿雨中見過卽席賦贈用彭禹峰先生韻

吳楚風烟入望寬嗟君歲晚未能安半生游宦功名薄四海依  
人道路難赤壁孤舟楓葉冷臨臯古寺雨聲寒何妨十日衙齋  
坐碧酒黃花取次看

張杰

清明步祝山如夜坐韻

晚風淅淅柳條輕坐聽隣家鐵笛聲不是他鄉人易病誰憐寒  
食月空明鶴憐南國當春瘦鵲到天津向夜明白雪好吟須共

和牀頭寒逼劍霜生

樅川漫興

誰令囂市掩芳洲山水藏名古渡頭隔岸垂楊迷遠浦延隄高  
閣鎖長流鳩當欲雪聲偏噪魚爲經霜網不收豈是五湖同泛  
泛扁舟只作稻梁謀

冬懷十首次還山北山芥須木厓四先生韻

選二

兀坐寒園竟一年冰絲收盡柳絲烟山亭有竹原多徑水宅無  
波亦似船自度霜晨同月夕誰論雁後與花前縱然吟草成千  
帙到底難吟陟岵篇

一榻袁安可得眠賦成冰柱向誰宣凝寒莫度蕭娘曲破夢先  
叅栢子禪嘹唳雁聲原擇地栖遲鶴影謾疑天庭中雪意能畱  
月底事春風玉藥前



季秋客皖城任鶴峰招飲宵漢樓漫成

選一

海門山水壓南州  
選勝惟君百尺樓  
堦下寒花臨粉堞  
眼前香草浸芳洲  
江光只向晴窓動  
山色全憑雨檻收  
任昉由來多錦句  
客邊觴咏好淹留

陳 樾

憶法言叔北上

歡聚無多復唱驪  
軟紅塵送馬蹄遲  
山川却笑人來暮  
風雨還淡去後思  
遠樹曉看雲氣合  
高城夜入角聲悲  
此行莫憶吳趨曲  
彈動哀絃感別離

法叔善絃索

姚文燮

贈彭躬菴

歌哭蒼旻動鬼神  
遠尋戰地驗星辰  
南朝舊雨悲遺老  
東漢名

山刺黨人三聘屢  
煩千駟却孤踪  
惟與一鷗親  
易堂藥格醫天地  
反爲瘡痍重此身

知己遙遙二十年  
兵戈相見各霜顛  
鯉庭漫借門生重  
鳳閣先令舊史傳  
日月共憐家久棄  
江湖偏與病爲緣  
草衣斑管青藤杖  
遲我秋溪選石眠

避人何事獨尋余  
變姓逃名但著書  
故國夢同遼海鶴  
釣船安得武昌魚  
椎心獨處頻彈劍  
生計隨方且荷鋤  
好就前期方學士  
買山久得結僧廬

顧 隱

信宿膠南與樗隱夜話

喜君軒豁老吟身  
酒琖留連祖去津  
偶聚每嫌移櫂促  
快談不覺剪燈頻  
十年書劍無生氣  
四海簞瓢有故人  
相對共憐偷跡



息乾坤多難莫言貧

馮 魁

歸舟雜興 選三

會通古跡按圖看蓄洩三朝策萬端百辟包茅通禹貢五方圭  
璧會周官隄防少府籌頻匱畚鍤沙民力半殘獨有扁舟南去  
客乘風猶憾過塘難

忽憶高人千里間兼葭白露阻躋攀穀城石約畱侯往震澤舟  
無少伯還國棄何須金又聚仙成只恐髻先斑漆園小吏逍遙  
甚鷁決鵬飛事總閒

嶧山湖水淨連天山似螺浮屋似船發笥漁梁明夜火候風賈  
舶語寒烟來從客路看栽柳去數歸期過採蓮枕上故園千里  
遠亭池荒落欲經年

邵錫蔭

中秋鄱陽湖舟中作

南湖今夜月明多相對無如感慨何久病祇因愁裏得良宵偏  
向客中過光搖遠岸猿移樹煙散孤汀鷺浴波獨坐篷窓思無  
限傾樽莫惜醉顏酡

重過太子磯寄孫宇台先生

可惜春歸客未歸天涯零淚濕征衣誰人再賦滕王閣今日重  
經太子磯哀雁山中催夢醒落花江上寄書稀蓬窗徒倚青峰  
晚漫看蟾光滿翠微

渡楊子江

無限烟波起遠愁人家疎樹傍孤舟春風隔岸侵寒幕細雨空  
江冷敝裘丁卯橋頭多水荇金山塔下有沙鷗遙知北去雲天



隔回首鄉關祇夢遊

邵錫榮

章江舟次步呂錫馨父執韻

章門惜別望西山幾度扁舟自往還  
臥病獨憐人去後多情常寄月  
明間蘭橈江上遲歸夢白鳥沙邊  
共客閒遙憶故園秋色裏丹楓黃  
葉滿溪灣

維揚道中

江水江花笑我勞一年兩度廣陵濤  
誰家樓影臨溪直何處簫聲隔岸  
高斜日鄉書看塞雁西風客淚落  
征袍白雲紅樹吳天遠回首江南  
首重搔

濮淙

阻雪山中

芒屨紆盤拄短筇白頭堆裡覓行踪  
疑將路沒高低處認得僧歸上下  
峯梅倚短籬寒覆屋雲迷荒寺遠  
聞鐘山溪畢竟無人到踏碎冰崖  
過幾重

王焯

客詢二非菴中事詩以答之

滿畦麻苧百株桑麓尾溪頭寄一莊  
紅露曉翻櫻顆重翠濤宵泛竹根  
香閒中採藥過熊館醉裏垂竿拂  
鱖床愛抱離騷乘月讀數聲長嘯  
蒼浪

答鳩江諸子以書詢余事佛之故

石耳山頭昨夜風蕭疎短髮接飛蓬  
短衣看虎禾村北長策驅飢麥壠  
東赤帝以還三代隱青天之下一  
身窮勞勞歲月消難盡除却無生  
莫措躬



對酒

氣作長風浩不磨，吹山移海醉婆娑。  
寄愁天上終無計，種恨人間可奈何。  
五月傳餐霖雨路，三年賣餅院屯歌。  
愀然髮短衡茅下，但有孤情哭薜蘿。

劉謙吉

望金山寺

兩年頻對金山寺，別恨愁予落葉催。  
塔下僧歸紅樹亂，灣前帆帶白雲迴。  
勝追南宋人千載，香爇中泠水一杯。  
自怪支筇清興減，淒淒秋雨過江來。

汪獻文

俞安甫移居大石山徵詩和韻

嶺頭芳信未云殘，野鶴孤雲結宇寬。  
家住空山書幾卷，門臨小

澗竹千竿瀛洲空，著仙人宅巖瀨今。  
餘釣客灘子亦籜冠，期結隱願攜杯酒對花看。

春暮留宿沈珍甫山齋

選一

烟雲漠漠共朝暉，茆屋溪山晝掩扉。  
牀上擁書留午夢，花前沽酒典春衣。  
嫩寒天氣紅初褪，輕煖池塘綠漸肥。  
底事鶉鳩呼不住，五更風雨帶人歸。

冬日和沈舸城移居韻

鼓棹城東日未斜，滿裝書卷更攜花。  
迂迴門徑容新柳，清淺溪流走白沙。  
水石成軒聊足憇，雲山當戶不曾遮。  
悠然無異柴桑里，種菊編籬似一家。

橘陽下澣八十生朝漫述

選一

竹枝爲杖箠爲冠，樂與湖山一往還。  
輸稅苦餘田百畝，容身幸



有屋三間釀成白墮鶯花醉課罷黃庭鶴夢閒老畏見人常避  
跡衡門市遠晝長關

晤家長話故山

烽火驚傳故里來丘閭城郭總堪哀殘生已似三秋葉多難因  
知百念灰白岳雲深和雁沒黃花霜冷背人開言長不盡懷鄉  
感落日重傾酒一杯

宿知稼堂題壁

綠酒青燈舊草堂邨深無漏夜偏長西疇孰稅陶公駕北牖重  
登孺子牀殘月半窓移竹影春風一枕落花香追思往事渾難  
寐短髮愁添雪上霜

過忘菴怡老園口占

橋轉清溪一徑偏喜無人跡到林泉却憑謝眺新遊屐來訪王

維舊輞川松翠接雲延鶴唳花香度水起鷗眠片時自愜三春  
興何用郊行杖挂錢

汪 撰

春雪懷武弟久寓笏峰舍

爲憶巖頭晝揜關日高猶臥半僧閒綠添楊柳溪邊水白盡梅  
花雪裏山知有寒爐燒楮袖可無濁酒聽潺湲昨宵吾亦分幽  
夢踏雪扶筇到竹間

宿蓮花洞

禪榻還分老比丘深巖獨客夢俱幽竹窓夜響原非雨石屋春  
寒却似秋幡動風燈生壁上鉢空山鼠落床頭定中領得真消  
息一枕泉聲萬壑流

久雨送臞菴歸吳江



幾欲留君候雨晴鄉心翻向雨中生也知徐穉終歸隱淡媿汪  
倫一送行花里暮雲書閣揜松陵春水釣灘平還家正恐牽衣  
話皓首黃金藥未成

曾止山先生過訪不值柬謝

未似盧鴻舊草廬漫勞高躅訪幽居無兒可博題門字有竹偏  
迴御李車花落槿籬喧暮雀風翻藜榻亂殘書何時重在城西  
駕荒徑因君再掃除

武弟歸自山中備述幽况喜而成咏

散髮城西舊草堂烟霞歸客話偏長半巖雲起孤峰黑一雨秋  
生萬木涼曉閣聽泉沉石磬暮樵歌月下松岡無由同賞情何  
限擬付吟筇入夢鄉

寒夜夢遊鏡水蘭若

葑水桐涇地未遙更長入夢雨蕭蕭寒鴉枯柳村前路斜渚疎  
鐘寺外橋榻倚短檠燈影落苔陰古殿屐痕消分明舊日淹留  
處蓮葉池頭挂酒瓢

留別妙圓上人

獨客尋春悵寂寥曉風吹雨度花朝松窓話舊人雙鬢木榻消  
寒酒半瓢白社自憐歸已後青山從此夢俱遙鷗波渺渺堪浮  
棹送別知君懶過橋

沈珩

重修鎮海塔九日西山許侯招同登高予稽故未赴是

日侯獨造頂成詩二章用韻遙和十首

選二

洪濛顛氣接東溟拔地浮空表建瓴虹跨斷崖搖藻井魚吞倒  
影挂雲屏萬家砧杵憑欄切千雉人烟入眼醒天漢乘槎才不



世滄桑保障有郎星

九日沙邊何所有  
白鱸黃甲間江珧  
芒肥蟹祭爭初穗  
浪淨鷗眠過午潮  
獨拙逢迎供嬾媪  
早衰登陟滯飄飊  
貪吟法錦多官字  
滿滴天漿處士瓢

秋日行至玉河橋外

苑牆空濶路迴紆  
瓊島虹梁望有無  
天漢水流開地軸  
帝家雲裏出蓬壺  
清霜不壓歲蕤草  
唼鴈猶翻紫籜菰  
自是陽和籠御氣  
肯教金碧趁寒蕪

初秋早朝

西城清漏遠微微  
趁早軒車夾路飛  
暑退朝衣初覺稱  
月明官燭幾行稀  
懶如叔夜難逢世  
疾甚文園願息機  
坐盡班聯看意氣  
誰應華髮點黃扉

送楊艾田中丞填撫貴陽

選一

絳騶風格表中臺  
出鎮盈廷拜手推  
萬里王師新破賊  
南天節鉞重遶才  
霜威先路驅炎瘴  
鳥道乘秋闢草萊  
爲報夜郎諸逆壘  
降旗夾轂莫徘徊

史周

山中晚步

逶迤山徑晚烟低  
杖策夷猶聽鳥啼  
片月忽生高樹上  
殘陽猶在亂峰西  
微茫佛火僧開舍  
歷落松花香滿谿  
羨殺人家巖壑際  
柴門正與白雲齊

山中歸依園燒笋小飲

匆匆且自別嶢峴  
歸到依園日已殘  
衣爲霑雲還半濕  
山猶在眼尚餘寒  
開樽雜坐花三徑  
瀹笋須存竹萬竿  
盡醉欲辭留更



止清風翠柳月中香

楊 賓

送高子長金吾還六安

西風蕭颯百花洲  
忍唱驪歌古渡頭  
千里相逢能幾日  
斜陽送別又孤舟  
遙憐赤葉開鄉國  
應有青山對舊樓  
年少莫輕言世祿  
丈夫須用覓封侯

登岱

懸崖孤嶂草蒙茸  
聞說當年駐六龍  
玉簡尚傳君子石  
金泥曾拜大夫松  
東巡朝會餘阡陌  
西狩登臨表岱宗  
指點荒烟空想像  
千秋何處覓音容



